



FAU Sæbø v/Even Magnar Askeland

Referansar:
Dykkar:
Vår: 18/132 - 18/9258

Saksbehandlar:
Bente Kopperdal Hervik
bente.kopperdal.hervik@radoy.kommune.no

Dato:
12.06.2018

Vedkomande tilskot til 17. mai-komiteen på Sæbø

I Radøy kommune sitt budsjett for 2018 vart det sett av kr 50 000 i tilskot til 17. mai-komiteane, og i formannskapsmøte 25. januar sak 005/2018 vart det gjort vedtak om korleis desse midlane skulle fordelast og nyttast. Tilskotet skulle nyttast til investering i nødvendig utstyr til 17. mai-arrangement, og midlane skulle utbetalast etter at kommunen har fått dokumentasjon på kostnader. 17. mai-komiteen på Sæbø skulle ha inntil kr 11 250.

17. mai-komiteen på Sæbø (FAU ved Sæbø skule) har sendt inn krav om utbetaling av kr 11 170. 17. mai-komiteen har dokumentert innkjøp av nytt utstyr for kr 6 170 kroner og innkjøp av utstyr frå Sæbø skulemusikklag for kr 5000. Formannskapet hadde i møte 7. juni dette opp som ei meldingssak og gjorde følgjande vedtak:

«Ordførar Jon Askeland orienterte om søknad frå FAU på Sæbø skule om støtte til innkjøp av utstyr til 17. mai-feiring i krinsen. FAU har kjøpt utstyr frå Sæbø skulemusikklag - som tidlegare har hatt ansvaret for gjennomføringa av 17.mai-feiringa. Skulekorpset skal framleis kunne bruka utstyret dei har overført til FAU.

Formannskapet meiner søknaden om tilskot ikkje er i samsvar med bruken av tilskotsordninga formannskapet har oppretta for innkjøp av utstyr til 17. mai-komiteane. Formannskapet imøtekjem difor ikkje søknaden.»

På bakgrunn av dette vert kr 6 170 utbetalt til FAU Sæbø til kontonr 3632.60.26985. Om de ynskjer å nytta resterande av dei løyvde midlane midlar til investeringar til 17. mai-feiringa neste år, kan de gjera det. Kvitteringar som dokumenterer innkjøp må leverast Radøy kommune før 1. desember 2018 slik at kommunen får betalt ut midlane i år.

Tusen takk for jobben de gjer med å laga eit flott 17. mai-arrangement for Sæbø-bygda!

Med helsing

Anne Dahle Austrheim

Bente Kopperdal Hervik



leiar kultur- og sørvistorget

rådgjevar kultur

Dette dokumentet er elektronisk godkjent og har difor ingen signatur.

Mottakarar:

FAU Sæbø v/Even Magnar Askeland